

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Sisimiuni Ilinniartitaanermut Immkkoortortami aningaasaqarnermut nalunaarusiaq, 2017-imi oktober-ip naaneranut.**

**Imm. 03 Maniitsumi Ilinniartitaanermut Immikkoortortami aningaasaqarnermut nalunaarusiaq, 2017-imi oktober-ip naaneranut.**

**Imm. 04 Atuiffik 5 iluani missingersuutitigut nuutsisoqarnissaa pillugu qinnuteqaat 2017, Sisimiut**

**Imm. 05 Ukioq 2017 Konto 5-ip iluani missingersuutitigut nuutsinissamik qinnuteqaat Maniitsoq.**

**Suliassat nalinginnaasut**

**Imm. 06 Sisimiuni najugaq qimannagu perorsaasunngorniat ilinniarfiata ingerlatiinnarnissaanut qinnuteqaat. 2018-2021**

**Imm. 07 Ilinniartitaanermik, Peqqinnermut, Sunngiffimmi sammisassanut Kultureqarnermullu ataatsimiititaliap 2018-mi ataatsimiiffissaannut siunnersuutit.**

**Imm. 08 Qeqqata Kommuniata Sisimiunilu timersortarfiup ukioq 2018-imut attartornissamut isumaqatigiissut.**

**Imm. 09 Ilinniartitaanermut Aqutsisoqarfik (ILA) kommunillu ukiumoortumik naapinneranni, meeqqerivitsialammi suliat pillugit, sap.ak. 40/2017 paasissutissineq**

**Imm. 10 Sarfanguani illumut tamatigoortumut Sanaartortitsisup saqqummiussaa, Suliaq nr. 75-90-40 aamma 75-52-00**

**Imm. 11 Tamalaat**

*Peqataasut:*

*Siumut Evelyn Frederiksen, Ruth Heilmann, Frederik Olsen*

*Atassut Anna Karen Hoffmann*

*Partii Naleraq Malene Ingemann*

*Nalunaaruteqarlutik peqataannngitsut:*

*Nalunaaruteqaratik peqataannngitsut:*

## **Imm. 01. Oqaluuserisassat akuerineri**

**Aalajangiineq  
Akuersissutigineqarpoq.**

**Ataatsimiinneq aallartippoq nal. 8:36**

**Ruth Heilmann naluttarfik pillugu aamma Frederik Olsen Tamalaani apeqquteqassapput  
Frederik Olsen pkt. 8-mi peqataasinnaannginnini pillugu nalunaarutigaa.**

**Frederik Olsen – forretningsorden malillugu oqaluuserisassat nassiunneqartarnissai  
kaammattuutigai.**

**Aningaasaqarnermut tunngasut**

**Imm. 02 Sisimiuni Ilinniartitaanermut Immkkoortortami aningaasaqarnermut nalunaarusiaq, 2017-imi oktober-ip naaneranut.**

*Journal nr. 06.01.02*

**Tunuliaqutaq**

Sisiumiuni Ilinniartitaanermut, Peqqinnermut, Sunngiffimmi sammisanut Kulturimullu Immkkoortortap 2017-imi oktober-ip naaneranut missingersuutitigut malinnaatitsineq matumuuna saqqummiuppa.

**Maleruagassatigut tunngavissat**

Qeqqata Kommuniani karseqarnermut naatsorsuuserinermullu malittarisassat. Ilinniartitaanermut ataatsimiititaliap pisinnaatitaaffiit tunngatillugu intsisit atuuttut.

**Pissutsit atuuttut**

Atuineq qaammat qulingiluannut 83,33 procent-imiissaaq.

**Konto 5 – Ilinnartitaaneq Sisimiut + Nunaqarfiit.**

Atuiffik	Atuiffiup taaguutaa	Missing (1.000 kr)	Tapiiss. All.nuuss. (1.000 kr)	Akuersis (1.000 kr)	Atuineq (1.000kr)	Sinneri (1.000 kr)	Atuineq %-tut	
<b>5</b>	<b>ATUARFEQARNEQ KULTURILLU</b>							
50	ULLUUNERANI MEEQQANIK INUUSUTTUAQQ.PAAQINNITTAR FIK	44.952	112	-75	44.989	38.072	6.917	84,6
51	ATUARFEQARFIIT	79.794	0	500	80.294	67.120	13.174	83,6
53	SUNNGIFFIMMI SAMMISASSAQARTITSINEQ	10.212	0	-50	10.162	8.917	1.245	87,8
55	ATUAGAATEQARFEQARNEQ	1.397	0	0	1.397	1.086	311	77,8
56	KATERSUGAASIVIIT	2.146	582	0	2.728	815	1.913	29,9
59	KULTURIKKUT QAAMMARSAANIKKULLU INGERLATSINEQ	10.160	0	125	10.285	9.364	921	91,0
<b>5</b>	<b>ATUARFEQARNEQ KULTURILLU</b>	<b>148.661</b>	<b>694</b>	<b>500</b>	<b>149.855</b>	<b>125.374</b>	<b>24.481</b>	<b>83,7</b>

Sisimiuni ilinniartitaaneq kulturillu 149.855 mio koruuninik aningaasaliiffineqarsimasooq, kaatillugit 125.374 mio. Koruunit atorpeqasimapput. Atuineq procentinngorlugu 83,7 procent-iuvoq.

**Konto 50 Meeqqiriviit Sisimiut + Nunaqarfiit.**

Ulluunerani paaqqinnittarfiit. Meeqqiriviit atuinerat 84, 6 procentimiippoq.

**Konto 51 Atuarfeqarfiit Sisimiut + Nunaqarfiit.**

Atuarfeqarfik: 83, 6 procentimiippoq. Kopeerutitut skoleindra-mullu abonnerment-it sullissinissamillu isumaqatigiissutitut akiligassat ukiup sinneranut atuarfinnut tamanut akilereerput,soorlutaaq pequtit allaffimmilu atortussat assigiinngitsut psiarineqareersut.

**Konto 53 Sunngiffimmi sammisassaqaqtisineq Sisimiut + Nunaqarfiit.**

Sunngiffimmi sammisassaqaqtisineq: konto 53 atuneq 87, 8 procentimiippoq. Kangerlussuarmi atuareernerup kingorna paaqqinnittarfiup atunera 80, 3 procentimiippoq. Sunngiffimmi ornittakkat Sisimiunilu naluttarfik atainerat katillugit 84, 4 procentimiipput. Sulilu sarfamut kiassarnermullu aningaasartuuteqassallutik. Amerloq uuliamik atuinermigut sippuilluni 179, 8 procentimik atuisimavoq.

**Konto 55 Atuagaateqarfeqarneq Sisimiut + Nunaqarfiit.**

Atuakkanik atoriniartafeqarneq: konto 55 atuneq 77, 8 procentimiippoq. Blæk-illu toner-illu annertuumik atortaramikkit allaffissornikkut atortunut assigiinngitsunut aninaasartuutit sippuilluni atuiffiusimalluni, soorluttaaq eqqiaasunut/eqqaavilerisunut, atuakkanillu atorniartarfiup nutarsarneqarnerani allat sllisinerinut atuisimasut.

**Konto 56 Katersugaasiviit Sisimiut + Nunaqarfiit.**

Katersugaasiviit 29, 9 procentimiippoq.

**Konto 59 Kultur-imut tunngasut Sisimiut + Nunaqarfiit.**

Kulturi qaammarsaanerlu: 91, 0 procentimiippoq. Siorna ukiumi timersullammannik toqqaasoqarnerata, timersoqatigiiffiillu sammisaqangaatsiarnerisa kingunerisaanik agguaatassanut atuiffik sippuilluni atuiffiuvoq.

**Innersuussut:**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq oktober-ip naaneranut 2017 aningaasaqarnermut nalunaarusiaq tusaatissatut tiguneqassasoq.

**Aalajangiineq:**

**Innersuussut tusaatissatut tiguneqarpoq.**

**Ilanngussaq:**

2017-imi oktober-ip naanera ilanngullugu oqimaaqatigiissitsineq.

***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi ileqqusumik ataatsimiinnera 09/2017***

**Imm. 03 Maniitsumi Ilinniartitaanermut Immikkoortortami aningaasaqarnermut nalunaarusiaq, 2017-imi oktober-ip naaneranut.**

*Journalnr. 06.01.02*

**Tunuliaqutaq**

Maniitsumi Ilinniartitaanermut, Peqqinnermut, Sunngiffimmi sammisanut Kulturimullu Immikkoortortap 2017-imi oktober-ip naaneranut missingersuutitigut malinnaatitsineq matumuuna saqqummiuppaa.

**Maleruagassatigut tungavissat**

Qeqqata Kommuniiani karseqarnermut naatsorsuuserinermullu malittarisassat.

Ilinniartitaanermut ataatsimiititaliap pisinnaatitaaffiit tungatillugu inatsisit atuuttut.

**Pissutsit atuuttut**

Atuineq qaammat qulingiluaannut 83,33 procent-imiissaaq.

**Konto 5 – Ilinniartitaaneq Maniitsoq + Nunaqarfiit.**

Atuiffik	Atuiffiup taaguutaa	Mis sing (1.000 kr)	Tapi iss. (1.000 kr)	All.nu uss. (1.000 kr)	Akue rsis (1.000 kr)	Atuineq (1.000 kr)	Sin neri (1.000 kr)	Atuineq % - tut
<b>5</b>	<b>ATUARFEQARNEQ KULTURILLU</b>							
50	ULLUUNERANI MEEQQANIK INUUSUTTUAQQ.PAAQIN NITTARFIK	22.2 72	0	151	22.42 3	18.3 02	4.12 1	81,6
51	ATUARFEQARFIIT	47.3 51	400	-501	47.25 0	34.6 80	12.5 70	73,4
53	SUNNGIFFIMMI SAMMISASSAQARTITSIN EQ	4.80 3	0	546	5.349	4.39 4	955	82,2
55	ATUAGAATEQARFEQAR NEQ	930	0	0	930	674	256	72,4
56	KATERSUGAASIVIIT	1.11 6	0	0	1.116	910	206	81,5
59	KULTURIKKUT  QAAMMARSAANIKKULLU INGERLATSINEQ	3.23 8	0	-196	3.042	3.09 0	-48	101, 6
<b>5</b>	<b>ATUARFEQARNEQ KULTURILLU</b>	<b>79.7 10</b>	<b>400</b>	<b>0</b>	<b>80.11 0</b>	<b>62.0 49</b>	<b>18.0 61</b>	<b>77,5</b>

Maniitsumi ilinniartitaaneq kulturilu 80.110 mio. koruuninik aningaasaliiffigineqarsimasoq, katillugit 62.049 mio. koruunit atorineqarsimapput. Atuineq procentinngorlugu 77,5 procent-iuvoq.

**Konto 50 Meeqquariviit Maniitsoq + Nunaqarfiit.**

**Ulluunerani paaqqinnittarfiit:** Meeqquariviit atuinerat 81,6 %-imiippoq.

Meeqquveqarfik tamaat isigalugu atuineq annikinnerulaarnerannut pissutaanerusut ukuupput:

Meeqquveqarvinni Naja Kangaamiut, Naasunnguit Napasoq aamma Ornittagaq Angaju-mi sulisut taarserarnerat pissutaalluni qaammammusalinnut atuineq annikinnerulaarpoq.  
Konto ilaat qaangeeqqasut missingersuutitigut nuussinikkut iluarsineqassapput.

### **Konto 51 Atuarfeqarfiit Maniitsoq + Nunaqarfiit.**

**Atuarfeqarfik:** konto 51 Atuarfeqarfiit atuineri 73,4 %-imiipput.

Atuarfik Kilaaseeraq 71,4 %-imiippoq.

Atuarfik Kilaaseeqqami ataatsimut katinnerani atuineq maannamut annikinneruvoq, tassani peqqutaanerpaavoq ilinniartitsisussaaleqineq.

Konto-t qaangiinikut annerusumik tassaapput Eqqiaaneq, Bussinut allagartaq atuartunut aamma Taquartortitsineq.

**Nunaqarfinni atuarfiit** atuinerisa killiffiat:

**Kangaamiut** 75,0 % , atuinikinnermut pissutaanerit tassaapput :

Ilinniartitsisunut taartaaneq, Akunnermut akissarsiat aamma

Qaangiuttoornerit qaammammut akissarsisartut.

**Napasoq** 71,9 % ukiup affaata siulliup ingerlanerani ilinniartitsisoq ataasiinnaanera, akissarsianut atuinikinnermut tunngassuteqarpoq.

**Atammik** 97,3 % procent atuinerup qaffasinneranut pissutaanerusut:

Ilinniartitsisumik napparsimasoqarnera, taamaasilluni taartaasunut atuineruneq.

**Kolligiat atuartullu najugaqarfii** konto 51-11-20 69,8 %-imiippoq.

Atuinnermut appasinneranut pissutaanerusut :

Qaammammusalit taarsernerat, nerisaqarnermut aningaasartuutit kiisalu

Kolligiat illuutaata aappaata attartortinneqarnera.

### **Konto 53 Sunngiffimmi sammisassaqaqtitsineq Maniitsoq + Nunaqarfiit.**

**Sunngiffimmi sammisassaqaqtitsineq:** konto 53 atuineq 82,2 %-imiippoq.

53-imi oktober-imi atuineq september-imut sanilliukkaanni akissarsianik atuineq ingerlatsinermullu nalinginnaasumik atuinerit annerusumik allaanerussutaapput.

53-01 Nipilersornermik ilinniartimmi atuineq 69,4 %-imiippoq.

53-03 Sunngiffimmi klubbini atuineq: 66,5% Maniitsumi meeqqanut klubbi.

115,9 % Maniitsumi inuusuttunut klubbi.

85,8 % Kangaamiut unglub.

29,6 % Napasoq klub.

49,3 % Atammik klub.

53-06 atuineq 73,8%-iinnarmiippoq, ukiaanerani pilersaarutit malillugit aningaasaliissutit atorluarneqasapput.

**Konto 55 Atuagaateqarfeqarneq Maniitsoq + Nunaqarfiit.**

**Atuakkanik atorniartarfeqarneq:** Konto 55 atuineq 72,4 %-imiippoq.

**Maniitsumi** 74,3 %-imiippoq, oktober-imi qaammammusianut akissarsiat tamakkiilersoq akilerliatigut akunnermusiallit akissarsiat atuinikiffiuvoq.

Ukioq mannaluk atortussarsiuutissanut konto taamaallaat 19,4%-imiippoq.

**Nunaqarfinni** atuinerit:

Kangaamiuni 31,4 %

Napasumi 9,9 %

Atammimmi . 93,2 %

**Konto 56 Katersugaasiviit Maniitsoq + Nunaqarfiit.**

**Katersugaasiveqarneq:** konto 56 atuineq 81,5 %-imiippoq.

Maniitsumi atuineq 84,5%

Kangaamiuni atuineq 47,9%

Kangaamiuni Katersugaasivimi nakkutilliisussamik nutaamik oktoberi naalersoq atorfinitsitsisoqarpoq.

**Konto 59 Kultur-imut tunngasut Maniitsoq + Nunaqarfiit.**

**Kulturi qaammarsaanerlu:** konto 59 atuineq 101,6 %-imiippoq.

Konto qaangeereerneranut pissutaanerusut marluk tassaapput Illutoqqanik iluarsaassineq aamma Timersornermi angalanermut tapiissutit.

**Innersuussut:**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq oktober-ip naaneranut 2017 aningaasaqarnermut nalunaarusiaq tusaatissatut tiguneqassasoq.

**Aalajangiineq:**

Innersuussut tusaatissatut tiguneqarpoq.

**Ilanngussaq:**

2017-imi oktober-ip naanera ilanngullugu oqimaaqatigiissitsineq.

**Imm. 04 Atuiffik 5 iluani missingersuutitigut nuutsisoqarnissaa pillugu qinnuteqaat 2017, Sisimiut**

Journal nr. 06.02.04

**Tunuliaqutaq**

Atuiffiup 5-ip iluani nuutsisoqarnissaa pillugu Sisimiuni Ilinniartitaanermut immikkoortorta qinnuteqaateqarpoq

**Maleruagassatigut tunngavissat**

Qeqqata Kommunanut karseqarnermut naatsorsuuserinermullu malittarisassat

**Pissutsit atuuttut**

Ulluinnarni atuinnermut tunngatillugu missiliuuteqarfinnut nammineq killigititanut assigiissaarisooqartariaqarpoq.

**Aningaasaqarnikkut allaffissornikkullu kingunerisinnaasai**

Atuiffik	Atuiffiup taaguutaa	(1.000 kr)	Missing (1.000 kr)	Missing Nutaaq (1.000 kr)
5	<b>ATUARFEQARNEQ KULTURILLU</b>			
50	ULLUUNERANI MEEQQANIK INUUSUTTUAQQ.PAAQINNITTAR FIK	44.989	429	45.418
51	ATUARFEQARFIIT	80.294	-922	79.372
53	SUNNGIFFIMMI SAMMISASSAQARTITSINEQ	10.162	435	10.597
55	ATUAGAATEQARFEQARNEQ	1.397	0	1.397
56	KATERSUGAASIVIIT	2.728	0	2.728
59	KULTURIKKUT QAAMMARSAANIKKULLU INGERLATSINEQ	10.285	58	10.343
5	<b>ATUARFEQARNEQ KULTURILLU</b>	149.855	0	149.855

Atuiffik 5 Sisimiut iluani missingersuutitigut kingunerisassaqaanngilaq, atuiffiit akornanni nuutsisoqaannassaaq, ataasiakkaatigulli ukunani nuutsisoqassalluni ATUARFEQARFINNIIT MEEQQANUT INUUSUTTUNULLU ULLUUNERANI SAMMISASSAQARTITSINIUTINUT aamma ATUARFEQARFINNIIT KULTURIKKUT PAASISITSINIAANIKKULLU INGERLATAT ASSIGIINNGITSUNUT.

**Innersuussut**



***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi  
ileqqusumik ataatsimiinnera 09/2017***

Allaffeqarfiup innersuussutigaa, Ilinniartitaanermut Peqqinnermut Sunngiffimmi sammisanut Kulturimullu ataatsimiititaliap 2017-imi atuiffik 5 Sisimiut iluani nuutsinissat akuersissutigissagai, suliarlu aningaasaqarnermut ataatsimiititaliamut ingerlateqqinneqassasoq.

**Aalajangiineq:**

Innersuussut akuersissutigineqarpoq.

**Ilanngussat:**

1. 2017-imi missingersuutitigut nuutsisoqarnissaanut kissaatit

***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi  
ileqqusumik ataatsimiinnera 09/2017***

**Imm. 05 Ukioq 2017 Konto 5-ip iluani missingersuutitigut nuutsinissamik qinnuteqaat Maniitsoq.**

*Journalnr. 06.02.04*

**Tunuliaqutaq**

Kontoni assigiinngitsuni atuivallaarsimaneq matussutissaqartinniarlugu, konto 5-ip iluani nuutsisoqarnissaanik, Maniitsumi Ilinniartitaanermut Immikkoortortaq qinnuteqarpoq.

**Maleruagassatigut tunngavissat**

Qeqqata Kommuni karseqarnermut naatsorsuuserinermullu malittarisassat.

**Pissutsit atuuttut**

Aningaasalissutit iluini naleqqussaaneq pisariaqartinneqarmat, ulluinnarni atuneq malillugu.

**Aningaasaqarnikkut allaffissornikkullu kingunerisinnaasai**

<b>Atuiffik</b>	<b>Atuiffiup taaguutaa</b>	<b>Missing (1.000 kr)</b>	<b>All.nuuss. (1.000 kr)</b>	<b>Missing Nutaq (1.000 kr)</b>
<b>5</b>	<b>ATUARFEQARNEQ KULTURILLU</b>			
50	ULLUUNERANI MEEQQANIK INUUSUTTUAQQ.PAAQINNITTARFIK	22.423	0	22.423
51	ATUARFEQARFIIT	47.250	-564	46.686
53	SUNNGIFFIMMI SAMMISASSAQARTITSINEQ	5.349	161	5.510
55	ATUAGAA TEQARFEQARNEQ	930	-60	870
56	KATERSUGAASIVIIT	1.116	99	1.215
59	KULTURIKKUT QAAMMARSAANIKKULLU INGERLATSINEQ	3.042	364	3.406
<b>5</b>	<b>ATUARFEQARNEQ KULTURILLU</b>	<b>80.110</b>	<b>0</b>	<b>80.110</b>

Konto 5 Maniitsoq Missingersuutitigut sunniuteqassanngilaq, konto-t iluminni nikisitsineruinnarpoq.

**Innersuussut:**

Allattoqarfiup innersuussutigivaa Ilinniartitaanermut, Peqqinnermut, Sunngiffimmi sammisanut Kulturimullu Ataatsimiititaliap akuersissutigissagaat Ukioq 2017 Konto 5-ip iluani missingersuutitigut nuutsinissamik qinnuteqaat Maniitsoq , Aningaasaqarnermullu Ataatsimiititaliamut ingerlateqqillugu.

**Aalajangiineq:**

Innersuussut akuersissutigineqarpoq.

**Ilanngussaq:**

Nuutsikkumasat ukiumut 2017.

## **Suliassat nalinginnaasut**

### **Imm 06 Sisimiuni najugaq qimannagu perorsaasunnorgorniat ilinniarfiata ingerlatiinnarnissaanut qinnuteqaat. 2018-2021**

*Journalnr. 68.02.05*

#### **Tunuliaqutaq**

2018-imi aallartittussanngorlugit, ilinniartunik nutaanik aallartisaanissamut, allaffeqarfik SPS-imi oqaloqateqarpoq.

Qeqqata Kommuniani najugaq qimannagu perorsaasunnorgorniarnermut ilinniarfik 2008-mi aallartinneqarpoq, 2011-milu ilinniartut siulliit ilinniakkaminnik naammassinnillutik. Ukiut ingerlanerani Sisimiuni ilinniartut hold-it pingasut najugaq qimannagu perorsaasunnorgorniarlutik ilinniarput - taakkunanilu akiliuteqarnermut aaqqiissutit pingasut atorneqarsimallutik.

Hold-it siulliit ilinniarnersa kiisalu suliffimmik misiliinerisa nalaani, Qeqqata Kommuniani sulisunut kommuni tamakkiisumik akissarsiaqartitsilluni.

Hold-inut tullinnguuttunut taamatuttaaq Qeqqata Kommunian akissarsiaqartitsivoq, taamaattorli Namminersorlutik Oqartussaniit SU-mik utertitsivigineqarluni. Maannakkut hold-inut akissarsiaqartitsisoqalinngilaq, taakkuli ilinniarnermi kiisalu suliffimmik misiliinermi nalaani SU-mik pisartagaqassallutik. Ukiuni taakkunani kommuni ilinniartitsinissamut inissaqartitsisarsimavoq.

#### **Maleruagassatigut tunngavissat**

Qeqqata Kommuniani karseqarnermut naatsorsuuserinermullu maleruaqqusat.

#### **Pissutsit atuuttut**

Hold-it pingajuat 2018-imi juunimi ilinniakkaminnik naammassinnissapput, SPS-imiillu kissaatigineqarpoq, Qeqqata Kommuniani hold-imik nutaamik aallartitsisoqassasoq. SPS-imit kissaatigineqarportaaq, ilinniartunut akissarsiaqartitsineq Qeqqata Kommunianit ingerlateqqinneqalissasoq.

Najugaq qimannagu perorsaasunnorgornianut ilinniarneq:

2008-miit 2011 tikillugu = ilinniakkamik naammassinnittut 20-t

2011-mit 2015 tikillugu = ilinniakkaminnik naammassinnittut 16-it

Katillugit ilinniakkamik naammassinnittut 36-t

Najugaq qimannagu perorsaasunnorgornikut 14-it, Qeqqata Kommunip ataani (SIS+MAN) meeqqerivinni sulipput

Najugaq qimannagu perorsaasunnorgornikut qulit, Qeqqata Kommunip ataani (Klubbi, atuarfiit, ilaqutariinnut kiffartuussivinni, utoqqaat angerlarsimaffiini, PISOQ-mi il.il.) sumiiffinni allani sulipput

Najugaq qimannagu perorsaasunnorgornikut sisamat, Sisimiuni ulloq unnuarlu angerlarsimaffinni (Sisimiuni Namminersorlutik Oqartussat, Gertrud Rask Minde + Qasape) sulipput

Qeqqata Kommuniani sulisut katillugit 28-upput

Arfineq-pingasut illoqarfinnut allanut aallarnikuupput.

2018-imi januaarip aallaqqaataanit Qeqqata Kommuniani meeqqerivinni perorsaasut 28-t amigaatigineqassapput.

Sisimiut + Kangerlussuaq - perorsaasut 17-it

Maniitsoq + nunaqarfiit - perorsaasut aqqanillit.

Tamatuma saniatigut Maniitsumi:

Atuartut angerlarsimaffiat perorsaasut tallimat.

Atuarfimmi paaqqinnittarfik: perorsaasut marluk.

Namminersorlutik Oqartussanit pigineqarluni paaqqinnittarfik Elisibannguaq: perorsaasut qulit. Ulloq unnuarlu angerlarsimaffinni namminersortuni marluusunittaaq perorsaasunik, amerlassusaanik ilisimaneqanngitsunik amigaateqartoqarpoq.

Ilinniarfiit allat assigalugit, ilinniarfik ilinniarnermusiaqarfiuvoq. Perorsaasunnorniarluni ilinniarneq nangitsilluni ilinniarnervoq, isumaginninnikkut perorsaasoqarnerup iluani perorsaasutut ilinniarsimasunik pisariaqartitsinermik isumaginnittusaaq. Isumaginninnermi ikiortitut ilinniarsimasunut suliffimmik misilittagaqareersunut ilinniarneq naalisakkamik aqqissugaavoq, ilinniarnelutik Namminersorlutik Oqartussanit tamakkiisumik akisussaaffigineqarluni, Qeqqata Kommunanili perorsaasunik annertuumik amigaateqartoqarnera tunngavigalugu, kommunimit akisussaaffik tiguneqarallarnikuulluni.

Ataatsimiititaliat siusinnerusukkut suliaqarnerini takutinneqarpoq, ilinniarnermut aqqiissut Qeqqata Kommunanit akisusoq. Ilinniarneq ukiuni pingasuni ingerlanneqartarpoq, 2008-milu hold-inut aallartittunut, Qeqqata Kommunia ukiuni pingasuni tamakkiisumik akissarsiaqartitsilluni najugaq qimannagu ilinniarfimmut sulisunik ilinniartortitsisarsimavoq. Piffissami 2011-2013-imi kommuni akissarsianut katillugit 8,5 mio. koruuninik aningaasartuuteqarsimavoq. Ilinniarfik ukiuni pingasuni ingerlasuavoq, siusinnerusukkullu peqataasut ukiuni pingasuni tamakkiisumik akissarsiaqarlutik ilinniarnissaat kommunimit akuersissutigineqarpoq. Taakku saniatigut ilinniartunut paarlatseqartoqartariaqarpoq.

Maniitsumi meeqqerivinni minnerpaamik arfineq-marluk ilinniarnissamut piumasaqaatinik naammassinnillutik qinnuteqarusupput, naak ilinniarnermusiaqaannassagaluarlutik. Ilinniarnep nalaani tamakkiisumik akissarsiaqartitsisoqarsinnaappat, sulisut minnerpaamik arfineq-pingasut piumasaqaatinik naammassinnittut qinnuteqarusupput. Tamatuma saniatigut ilinniarsimanngitsut minnerpaamik arfinillit ilinniarnissamut tigutinnissamut misilitsinnissamut piumassuseqarput.

Meeqqat Angerlarsimaffiat Qaamasoq namminersortunit pigineqartumit sulisut marluk GU-mik ilinniagaqartut ilinniarnermusiaqaannassagaluarunilluunniit qinnuteqarnissaminnut piumassuseqarput'. Meeqqat Angerlarsimaffiat aappaa akissuteqanngilaq, perorsaasunilli sulisussarsiuukkajupputtaaq.

Namminersorlutik Oqartussanit pigineqartoq Elisibannguaq-mit nalunaarutigineqarpoq, perorsaasunik annertuumik amigaateqarlutik, sulisullu arlallit ilinniarnissaminnik soqutiginnittut, naak kisitsisilerneqanngikkaluartoq. Namminersorlutik Oqartussat suliffeqarfiani sulisut ilinniarnermi akissarsiatik tigummiinnarsinnaavaat.

#### Aningaasaqarnikkut allaffissornikkullu kingunerisinnaasai

Ilinniarfiup ingerlatiinnarneqarnissaanut aalajangiisoqassagaluarpat, allaffeqarfimmit innersuussutigineqarpoq, najugaq qimannagu ilinniartitsisutut ilinniarfimmik aammalu najugaq qimannagu perorsaasutut ilinniarfimmik assigiissaarisogarnissaanut, Ilinniartitaanermut Naalakkersuisoqarfimmut isumaqatiginninniarnissamut, kommuni Kommune Kujalleq-mmut, Kommuneqarfik Sermersooq-mut kiisalu Kommune Qeqertalik-ssamut suleqatigiinninniassasoq, ilinniarfiit taamaalillugit professionsbachelor-imut naapertuutilersinneqarlutik kiisalu najugaq qimannagu ilinniartitsisunnornianut akissarsianik utertitsisarneq assigalugu, najugaq qimannagu perorsaasunnornianut akissarsiat utertinneqarnissaanut periarfissiisoqassasoq.

Ima paasillugu, najugaq qimannagu perorsaasunnorniarlutik ilinniartunut akissarsiatigut aningaasartuutit kommunimit nammanneqassanngitsut, soorlu najugaq qimannagu ilinniartunut taamaattoq.

Majoriaq Maniitsumi maannakkut init atorneqarnissaanut periarfissaqarpoq, soorlu SPS-imit isumaginninnermi ikiortitut ilinniartut tassaniittut. Sisimiuniit nunaqarfinniillu najugaq qimannagu perorsaasunnorgorniat Majoriaq-p illuutaani najugaqarsinnaapput.

Maniitsumi aningaasartuutit Sisimiuni aningaasartuutaasunut assingunissaat naatsorsuutigineqarsinnaavoq, siusinnerusukkut Sisimiuni kollegie 3-mi init siunertamut ilusilersorneqarlutik ilinniartitsiviusimasut, ilinniartitsinissamut neqeroorutaasinnaallutik. Kollegiemut ingerlatsinermut aningaasartuutit ukiumut 30.000,00 koruunit missaaniittut, Qeqqata Kommunanit akilerneqartarput. Piffissami ilinniarfiusumi 2018-2021-imi aningaasartuutissat taamaalillutik katillugit ima annertussuseqassapput: **Kr 75.000,00**

#### Allaffeqarfiup naliliinera

Allaffeqarfik isumaqarpoq, Namminersorlutik Oqartussat/Ilinniartitaanermut Naalakkersuisoqarfik qulakkeerissasoq, najugaq qimannagu ilinniartitsisutut ilinniarfik kiisalu najugaq qimannagu perorsaasutit ilinniarfik assigiissaarneqarnissaannut.

Matuma kingunerissavaa, najugaq qimannagu perorsaasutut ilinniarneq professionsbachelor-itut naapertuutilerinera, taamaalillutik ilinniagaqareersut ilinniaqqissinnaalissallutik, taamatullu ilinniarsimasunut suliffimmik misilittagaqareersunut ilinniarneq naalisakkamik aqqissugaajunnaassalluni. Najugaq qimannagu perorsaasutut ilinniarfik maannakkutut isikkoqartillugu, professionsbachelor-itut ilinniarfiunngilaq.

Tamatuma saniatigut najugaq qimannagu ilinniartitsisutut ilinniartunut akissarsianut aningaasartuutit kommunimut utertinneqartarlutik. Najugaq qimannagu perorsaasutut ilinniartunut utertitsivigineqarnissamut periarfissaq pigineqanngilaq. Akissarsianut aningaasartuutit kommunimit akilerneqartarput. Kommuneqarfik Sermersooq ullumikkut kisiartaalluni najugaq qimannagu perorsaasutut ilinniartuminut tamakkiisumik akissarsiaqartitsivoq, Qeqqata Kommunian kiisalu Kommune Kujalleq najugaq qimannagu perorsaasutut ilinniartunut ilinniarnermusianik taamaallaat tunniussisarlutik.

#### **Innersuussut:**

Allaffeqarfik Ilinniartitaanermut Naalakkersuisoqarfinnut SPS-imullu qinnuiginninnissamut, Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq akuersissuteqassasoq

Allaffeqarfiup Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut akuereqqullugu innersuussutigaa, Ilinniartitaanermut Naalakkersuisoqarfimmut aamma SPS-imut kaammattuutigineqassasoq

Maniitsumi holdemik ataatsimik ingerlatsiffiulluni 2018-imiit 2021-mut najugaq qimannagu perorsaasunnorgorniarluni ilinniarneq ingerlateqqinneqassasoq

Najugaq qimannagu perorsaasunnorgorniarluni ilinniarneq Professionsbachelor-tut qaffasissuseqarnissaa eqqarsaatigalugu najugaq qimannagu ilinniartitsisunnorgorniarluni ilinniarnertut naligiisinneqartariaqartoq kiisalu ilinniartunut akissarsianut aningaasartuutit kommuninit utertinneqarsinnaanerannut periarfissat eqqarsaatigalugit.

**Aalajangiineq:**

Innersuussutit akuersissutigineqarput.

***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi ileqquusumik ataatsimiinnera 09/2017***

**Imm. 07 Ilinniartitaanermik, Peqqinnermut, Sunngiffimmi sammisassanut Kultureqarnermullu ataatsimiititaliap 2018-mi ataatsimiiffissaannut siunnersuutit.**

Tunuliqutaq

Ataatsimiititaliap siulittaasua Evelyn Frederiksen 2018-mi ataatsimiiffissat ulluinik siunnersuuteqarpoq.

Ataatsimiiffissatut siunnersuutaasut ullut ukuusut ataatsimiititaliamit akuerineqassasut.

<b>Uddannelses, kultur &amp; fritidsudvalget</b>	<b>Økonomiudvalget</b>	<b>Kom.bestyrelsen</b>
29. januar 2018	13 februar 2018	22. februar 2018
26 februar 2018	13. marts 2018	26. april 2018
26 marts 2018	17. april 2018	24. maj 2018
30 april 2018	15. maj 2018	30 august
28 maj 2018	12. juni 2018	27. september 2018
25 juni 2018	21. august 2018	25. oktober 2018
3 august 2018	18. september 2018	22. november 2018
3 september 2018	16. oktober 2018	
1. oktober 2018	13. november 2018	
10. 26 november 2018	11. december 2018	20-22. august budgetseminar for 2019 Maniitsoq

**Innersuussut**

Ilinniartitaanermik, Peqqinnermut, Sunngiffimmi sammisassanut Kultureqarnermullu ataatsimiititaliamut innerssuusutigineqassaaq, ullut ukuusut akuersissutigissagaat.

**Aalajangiineq**

Innersuussutit akuersissutigineqarput.



**Imm 08 Qeqqata Kommuniata Sisimiunilu timersortarfiup ukioq 2018-imut attartornissamut isumaqatigiissut.**

*Journalnr.63.02*

Tunuliaqutaq

Timersoqatigiiffiit,meeqqeriviit,innarluutillit,utoqqaat ukioq 2018-imi timersortarfimmi atuinissaannut isumaqatigiissut.

Maleruagassatigut tunngavissat

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

Pissutsit atuuttut

Sisimiuni timersortarfik ullutsinni annertuumik sunngiffimmi sammisassaqtitsinikkut timersornikkut periarfissaqartitsivoq.

Sisimiuni timersortarfik imminut pigisutut ingerlasuuvoq siulersuisoqarlunilu, Qeqqata Kommuniata timersoqatigiiffiit,meeqqeriviit,utoqqaat,innarluutillillu timersornissaannut periarfissaqartitsinissaq qulakkeertarpaa.

Qeqqata Kommuniata Sisimiut Timersortarfiata inersua kisimi attartortarpaa timersoqatigiiffiit,meeqqeriviit,utoqqaat,innarluutillillu atuineranut tamakkiisumik aningaasanik ukiumut atuinerat aallaavigalugu tiimimullu akigititaq aallaavigalugu Qeqqata Kommunია aningaasartuuteqartarluni.

Atuilluartuunerup kingunerisinnaasai

Innuttaasut timersornissamut periarfissaqartuarnissaat timersortarfinni, kiisalu timersortarfimmut isumaqatigiissusiortuarnissaq atuilluartuuneruvoq.

Aningaasaqarnikkut allaffissornikkullu kingunerisinnaasai

Tiimimut akeq qaffappoq 0.95%-imik ulluinnarni kr.814-miik kr.822-imut.

Sapaammilu akeq qaffalluni kr.846-miik kr.909-imut.

Sapaammi qaffannerata annertulaamik tunngavigaat sapaammi sulisut akisunerusarmata.

Tiimimut akeq qaffakkaluartoq aningaasartuutissat ukioq 2018-imi annertunerussanngillaq 2017-imiik

Tiimit 2017-imi : 2858

Tiimit 2018-imi : 2704,50

Kalenderimi takuneqarsinnaavoq nalliuttuni matoqqavissat kiisalu fiskerimesse ulluni arfineq pingasuni ingerlanneqartussaana taakku pequtaallutik atuinissaq 2018-imi annikinnerussaaq.

Timersoqatigiiffiit innarluutillit utoqqaat atuinissaannut aningaasat	2.125.000,-
Isumaqatigiissut malillugu aningaasartuutissat	2.094.255,-
Sinneqartoorutissat	30.745,-

***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi  
ileqqusumik ataatsimiinnera 09/2017***

Meeqquvinnut attartornissamut aningaasat	225.000,-
Isumaqatigiissut malillugu aningaasartuutissat	139.874,-
Sinneqartoorutissat	85.126,-

Attartornissamut isumaqatigiissut malillugu ukiumut aningaasartuutissat katillugit  
2.234.129,-

Allaffeqarfiup naliliineraAllaffeqarfik isumaqarpoq isumaqatigiissutissaq akornutissaqanngitsoq,

**Innersuussut:** Sisimiuit timersortarfiup aammalu Qeqqata Kommuniata attartornissaanut isumaqatigiissut Ilinniartitaanermut, Peqqinnermut, Sunngiffimmi sammisassanut, Kultureqarnermut 2018-imut tunngasoq akuersissutigissagaa.

**Aalajangiineq:**

Imm. 8-p tikinnerani Frederik Olsen anivoq

Innersuussut akuersissutigineqarpoq, ilanngullugu aasaanerani timersortarfiup atorluarneqartarnissaa isumaliuutersuuteqarfigeqquneqarpoq.

**Ilanngussat:**

**Isumaqatigiissut 2018**

**Kalender**

**Skema**

**Imm. 09 Ilinniartitaanermut Aqutsisoqarfik (ILA) kommunillu ukiumoortumik naapinneranni, meeqquerivitsialammi suliat pillugit, sap.ak. 40/2017 paasissutissiineq**  
*Journal nr. 44.00*

Tunuliaqutaq

Suliat pillugit ataatsimiinnissamut ukiut tamaasa Ilinniartitaanermut aqutsisoqarfik aggersaasarpoq, ukioq manna Oktober-ip 2. aamma 5. ilanngullugu ingerlanneqarpoq.

Inatsisartut inatsisaat nr. 16 af 3. december 2012 aallaavigineqarluni, meeqqat 0-6-nut ukiullit pillugit perorsaaneermut sammisunik kommunit Ilinniartitaanermut Aqutsisoqarfiullu suleqatigiissutissaannik avitseqatigiiffissaannillu ilusilersueqatigiinneq.

Qeqqata Kommunianiit peqataapput Maniitsumi ilinniartitaanermut pisortaq aamma Maniitsumi perorsaaneermut ataqatigiissaarisooq.

Maleruagassatigut tunngavigisat

*Meeqqanut suli atualinngitsunut perorsaaneermut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.*

Pissutsit atuuttut

Qulequttat pingaernerit eqqartortinneqartut ukuupput:

Meeraaqqat meeqqallu oqaasertaariartortarnerannut nalunaarsuinerup inernerinik saqqummiineq.

Ilinniartitaanermut Aqutsisoqarfimmiit paasissutissiineq, pædagog-it qaffasinnerusumik ilinniaqqinnermut tunngasunik.

Kivitseqatigiit ilinniartitaanerisa killiffiat saqqummiunneqarpoq.

Kivitseqatigiinni Ilitsersuijutigaluni Coacherisinnaasut (Instructional Coach) qanoq atorneqarnissaat. ILA aamma Kommunit ukiuni 2017 – 2022 suleqatigiinnissamut sinaakkusiinissamut isumaqatigiissusiornissaq.

Suliat pillugit ataatsimiinnermi peqataapput Ilinniartitaanermut aqutsisoqarfimmiit Meeqquerivitsialak pillugu suleqatigiit, kommuninilu sisamaasunit immikkoortortani pisortat, perorsaaneermilu siunnersortit/ataqatigiissaarisut. Taamatullu Ilinniartitaanermut, Kultureqarnermut, Ilisimatusarnermut Ilageeqarnermullu naalakkersuisoqarfimmi atorfillit.

Kommunikkaartumik linniartitaanermut aqutsisoqarfimmik suleqatigiissimanermut killiffimmik saqqummiisoqarpoq.

Nuna tamakkerlugu meeraaqqat oqaasertaartarnerinik misissuinermi paasineqarsimavoq nukarliaqqat 0-18 qaammatillit misissuiffigineqarnerat, naammaginarpallaanngitsumik inerneqartoq. Meeraaqqat nunatsinniittut oqaaseqarpianninnerat ersersimavoq, nunai allani misissuisarnermut naleqqiullugu.

Perorsaasut ikippallaarnerat pillugu, ilinniartitsinermit suut pisinnaatitaaffigineqartarnerisut sinaakkutigineqartarnerisullu, soorlu perorsaasut aqutsinermit ilinniarteqqinneqarnissaat.

Kommunini Kivitseqatigiit ILA-miit ilinniartitaanerminnut naleqqiullugu, piviusunngortitsisarneq uppernarsaasersuinerisalu Blooms Taksonomi najoqqutaralugu misissuiffiginerisigut paasinarsivoq, kommunit assigiinngiaartumik killiffeqartut. Qeqqata Kommunian Maniitsaq aamma Sisimiut ilinniartitaanertik malinnaavigilluarlugu aallussisut paasinarsivoq.

Kivitseqatigiit ilitsersuijutigalutik coach-erisinnaasut allagartaqartitaanissaannut, ilitsersugaanerminni nalunaaquttap akunnerisa allaqqanissaat pisariaqartoq eqqaaneqarpoq, akissarsiamikkut immikkut tapeqaatigisinnaassammassuk.

Kommunit aamma ILA, perorsaanikkut suleqatigiinneq pillugu isumaqatigiissutip, ingerlaqqinnissaanut sinaakkutit atuuttut ingerlaqqissasut aalajangiunneqarpoq. Saniatigut ILA-miit nalunaarutigineqarluni, Kivitseqatigiit pikkorissartinneqarnerini paarlatseqartarnerat, ILA-p akilertalissagaa.

ILA-miit kaammattuutigineqarpoq, Kivitseqatigiit pillugit kommunit ILA-mut nalunaarusiamik nassitsisalissasut, ukiup ingerlanerani suna suliarineqartarsimanersoq paasissutissiissutigisarlugu.

Naalackersuisoqarfimmiit nalunaarutigineqarpoq, internet-ikkut nittartagaq pilersinnissaanut piareersartoqaleruttortoq, tassani aaneqarsinnaalissallutik meeqqerivinni sakkutut atorneqartartut.

ILA-miit saqqummiunneqarpoq, pilersaaruteqarlutik "Meeqqerivitsialak" ingerlanneqarneranut atatillugu, siunissami ataavartumik iliuseqarnissamut, Januar-imi Hawaii-mut paasisassarsiorartortoqarnissaanut, inissat 12 taakkunanga ILA-miit namminneq 4 inuttassaqartereerlugit. Inissat sinneri kommunit namminneq atorsinnaassagaa, aqputaa kommunit nammineq akilissagaa.

#### Atuilluartuunissakkut kingunerisinnaasai

Atuilluartuunikkut kingunerissavaa, kommunini tamani meeqqerivinni meeqqat sullinneqarnerisa, pitsaassuseqartumik naleqquttumik assigiimmillu ingerlaavartinneqarnissaat, perorsaaneq oqaatsitigut ineriartorneq eqqarsaatiaglugit.

Meeqqerisut ilinniarsimasut amigaataanerata aamma pædagog-it aqutsinermik qaffassarlutilluunniit ilinniarsinnaanerata periarfissiuunneqarneratigut, meeqqanik ilaqutaannillu sullissineq pitsanngorsaaneermik kinguneqarsinnaammat.

#### Aningaasaqarnikkut allaffissornikkullu kingunerisinnaasai

Aningaasatigut allaffissornikkullu kinguneqanngilaq. Ataatsimiinnermi peqataaneq ILA-mit akilerneqartarpoq.

Hawaii-imut januarimi paasisassarsiorinissamut kommuni peqataatitsissappat, tamanna kommunip aningaasartuutigisinnaassavaa. Kisianni ataatsimiinnermi qaqinneqarmat, kommunit tamanna akissaqartigunangikkaat, ILA misissueqqinniarpoq, aamma ilumut kommunineersunut inissat ilumut 8-naassanersut, kommunillu tallimangulerlutik januarimiit.

Konto 50-01-20-05-01 "Meeqqeriviit tamarmik kursusimut aningaasartuutit", ukioq manna kr. 83.000-nik sinneqaramik, taakkua atorlugit Qeqqata Kommunianit peqataasussat inuit marluk akiliunneqarsinnaapput. Peqataasoqartillugu Sisimiuniit Maniitsumiillu meeqqerivinnik suliaqartunik, tamarmik ataaseq.

#### Allaffeqarfiup naliliinera

Allaffeqarfiup nalilerpaa, ILA-mik suleqateqarluni, inatsisikkut anguniaqqusaasunik piviusunngortitsiniartarnermi, kommunit akimorlugit peqataasarnikkut, meeqqanut sullissisarnermut pitsanngorsaataasarmat, ukiumoortumik suliat pillugit, killiffissiorneqarlutik naapeqatigiittarnernut Qeqqata Kommina peqataasarnera iluaqutaasoq.

#### **Innersuussut**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq:

ILA-miit nuna tamakkerlugu "Meeqqerivitsialak"-mi suliniutit pillugit, ataatsimeeqqatigiissimanermik paasissutissiissut tusaatissatut tiguneqassasoq aamma Suliaq kommunalbestyrelsimut paasissutissatut ingerlateqqinneqassasoq.

***Ilinniartitaanermut Kulturimut Sunngiffimmullu ataatsimiititaliap decemberip 4-ani 2017-imi  
ileqqusumik ataatsimiinnera 09/2017***

Konto 50-01-20-05-01 “Meeqqueriviit tamarmik kursusimut aningaasartuutit” atorlugu Meeqquerivitsialak, kommuniniillu meeqqerivilerisut paasisassarsiornissaannut Qeqqata Kommunianiit Meeqqerivilerisut inuit marluk peqataanissaat akuerineqarnissaa.

**Aalajangiineq**

Innersuussut akuersissutigineqarpoq.

**Ilanngussaq**

Inspirationsbesøg Meeqqerivitsialak Hawaii

**IMM. 10 Sarfannguani illumut tamatigoortumut Sanaartortitsisup saqqummiussaa, Suliaq nr. 75-90-40 aamma 75-52-00**

*Journal nr. 59.04.01*

Tunuliaqutaq

Ukiuni arlalinni Sarfannguani Nunaqarfimmi aqutsisut kissaatiginikuuvaat, nunaqarfimmi innuttaasut, atuartut meeqqerivimmilu meeqqanit atorneqarsinnaasumik timersortarfeeqqamik sanaartortoqarnissaa.

Maleruagassatigut tunngavissat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Suilniutip aallartinneraniili Teknikkimut Avatangiisinullu immikkoortorta q ataqatigiissaarisuunikuuvoq, tamatumalu kingorna suleqatigiissitamik pilersitsisoqarnikuulluni tullinguuttunik inuttaqartumik Sarfannguani nunaqarfiup allaffianit, pilersaarusiornernermut immikkoortorta q, ilinniartitaanermut immikkoortorta q kiisalu teknikkimut immikkoortorta q. Sanaartortitsisup saqqummiussassaata inaarsarneqareermat, immikkoortunut attuumassuteqatunut tusarniutissanngorlugu nassiunneqarpoq. Sanaartortitsisup saqqummiussanut oqaaseqaateqartoqanngilaq, taamaalillunilu ataatsimiititaliami suliareqqitassanngorlugu ingerlateqinneqarpoq. Suleqatigiissitap inassuteqaatiginiarpaa, illumik tamatigoortumik ingerlatsineq nakkutiginninnerlu Sarfannguani kiffartuussivimmit ingerlanneqassasoq.

Atuilluartuunissakkut kingunerisinnaasai

Illumik tamatigoortumik sanaartornissaq atuilluartuunerussiaaq, Sarfannguani innuttaasunut tamanut iluaqutaassammat aammalu nunaqarfimmi peqqissutsimut ataatsimoornermullu peqataalluassammat.

Aningaasaqarnikkut allaffissornikkullu kingunerisinnaasai

Kommunalbestyrelse 2017-imi juunip 15-ani ataatsimiinnermini aalajangiivoq, nunaqarfinni minnerusuni pingasuusuni illut tamatigoortut 350 m<sup>2</sup>-mik angissuseqassasut. Aningaasanik 12 mio. koruunit missaani immikkoortitaasut atorlugit illumik tamatigoortumik sanaartornissaq kommunip aallartilerpaa, tassungalu suliniummik sanaartorerup nalaani TAI-mi sulisut piffissamik atuissapput. Sarfannguani illu tamatigoortoq ukioq 2019-ip naalernerani nammassereersimassaaq. 2018-ip ingerlanerani ilinniartitaanermut immikkoortorta q illu tamatigoortup nakkutigineqarnissaanut (sulisut amerlassusilerneqarnissaanut) siunnersuummik saqqummiussiniarpoq, kiisalu 2019-imut missingersuutinut ilanngunneqartussanik, ukioq 2019-imiit siumullu ingerlatsinerneq missingersuusiortuniluni. Aammattaaq pequtinik soorlu arsanik, nettinik, saagunik, kiffartuussivinnik, nerrivinni, issiavinnik il.il. 2019-imi pissarsinissamut missingersuutinut siunnersuusiussalluni.

Allaffeqarfiup naliliinera

Pineqartumut pilersaarusiorneqarnissamut tunngavissamik suliaqartoqassaaq, taanna Sarfannguanut kommunip pilersaarusiorneqarnerani tapiliussamik nutaamik siunnersuusiornikkut pinissaa naatsorsuutigineqarpoq, 2018-imi februarimi nassiunneqartussatut naatsorsuutigineqartoq. Tamatuma kingorna illumik tamatigoortumik pilersaarusiorneq suliffeqarfinnut siunnersuisartunut neqeroortugineqassaaq.

Illu tamatigoortoq 350 m<sup>2</sup>-mik annertussusilik bane-mik volleyball-erfiusinnaasumik ataatsimik imaluunniit sulorarfiusinnaasunik marlunnik aammalu isersimaartarfimmik/nerrivimmi arsaartarfimmik kiisalu igaffimmik /perusuersartarfimmik imaqarsinnaasoq, ilanngussaq 2-mi assersuutitut takutinneqartutut.

Allaffeqarfiup nalilerpaa, illumik tamatigoortumik sanaartorneq siumut isiginninnerussasoq aammalu atuisunut Sarfannguanilu innuttaasunut nuannaarutissaalluni ullutsinnut naleqquttuussasoq.

### **Innersuussut**

Innersuussutigineqarpoq:

- Pilersaarusiornissamut siunnersuummut tunngavissatut Sarfannguani illumik tamatigoortumik nutaamik sanaartornissamut sanaartortitsisup saqqummiussaa ataatsimiititaliap akuersissutigissagaa.

### **Aalajangiineq**

Innersuussut akuersissutigineqarpoq.

### **Ilanngussat**

1. Sarfannguani Illumik tamatigoortumik sanaartortitsisup saqqumiussaa, suliap nr. 75-90-40 aamma 75-52-00
2. Illumut tamatigoortumut pilersaarutitut titartagaq
3. Killiffimmuut pilersaarut / nunaminertaq

**Imm. 11 Tamalaat**

Frederik Olsen: planstrategi pillugu apeqqutaa allattoqarfimmit akineqarpoq.

Ruth Heilmann: Maniitsumi naluttarfittaarniaqatigiit aulami nammineq suliarfik saqqummiuppaat.

Malene Ingemann: Forening Grønlandske Børn-ip Sisimiuni workshoppeqartitsineranni peqataavoq. Filmit marluk tunngavigalugit meeqqanik sullissinermut tunngavoq.

**Ataatsimiinneq naavoq nal: 10:27**

-





